



Канон страдальцам соловецким

Тропарь, страдальцам соловецким, глас 1. Наздани на основани апостольском же и пророческом, сущу краеугольну самому Исусу Христу, соловецтии отцы, не поколебашася бурею ереси, и волнами воинских находени и мук, темже молитвами их Церкви Божия утвержается, и мы вернии спасаемся от всякого зла. Дважды.

Слава, и ныне. Богородичен. Гавриилу провещавшу Ти Деве, еже радуйс, и со гласом воплощашеся всех Владыка, в Тебе святем киоте, якоже рече праведны Давид; явися пространнейши небес, поносивши Зиждителя Своего. Слава Всельшемуся в тя, слава Прошедшему из тебе, слава Свободившему нас Рождеством Твоим.

Канон, глас 6. Творение кир Инокентия. Песнь 1. Ирмос. Волною морскою Скрывшаго древле гонителя мучителя, под землею скрыша спасеных дети; но мы яко отроковица Господеви поем, славно бо прославися.

Запев: Святии преподобномученцы и исповедницы, молити Бога о нас (поклон).

Сошедшися днесь христоименити людие в церковь святую, воспоем трубою песней великих исповедников соловецких, Господеви поюще, славно бо прославися.

Запев. Им же главы отсекоша, и обещением удавиша, и мразом и в темницах умориша, или инако умучиша за веру Христоу, молимся, яко мученком Господним.

Слава. И земля, и вода, и воздух освятишася вами блажени, предаваху бо вас смерти мучители и на земли и на воде, и на воздухе, но не одолеша вам.

И ныне. Богородичен. **При́зри на рабы́ своя, порева́емья от вра́г ви́димых и неви́димых Влады́чице, и укроти́ воюющих с нами, ми́р сво́й подава́я нам.**

Катавасия: **Изба́вите от бе́д рабы́ своя, святи́и преподо́бномученцы и испове́дницы Соловѣцтии, я́ко вси́ по́ Бозе к ва́м прибега́ем, вы́ бо мо́лите о нас Христа́ Бо́га на́шего (поклон).**

Го́споди помѝлуй (трижды, с поклонами).

Песнь 3. Ирмо́с. **Несть́ свѣта́ я́коже Ты́ Го́споди Бо́же мой, вознесы́и ро́г ве́рных Си́ Бла́же, и утве́рдь их на ка́мени испове́дания ти́.**

Запев. **Многолѣтно обдержа́ху свѣту́ю оби́тель Соловѣцкую воево́ды, ну́дяще ва́с испо́лнити нечестѣвое велѣние, я́ко да отсту́пите от ве́ры оте́ческа, но всу́е тружда́хуся.**

Запев. **Во́ини у́бо отража́ху проти́вныя, зло́бно напада́вшия на свѣту́ю оби́тель, во е́же погуби́ти преподо́бных, прѣчи́и же моля́хуся Бо́гу, да досто́яние Своѣ́ спасѣт ѝми же ве́сть судьба́ми.**

Слава. **Преда́выи кино́вию преподо́бных, вторы́и Искарѣ́от Феокти́ст, гне́вом Бо́жиим пораже́н, от срамны́я болѣзни жи́в согни́в зле́ издше, му́ченцы же торже́ствуют на́ Небесех.**

И ныне. Богородичен. **Я́ко от горы́ отсече́ся от тебе́ ка́мень Христо́с, ѝже сокруши́ ны́не ѝдола безбо́жных мудрова́нии, мо́лимтися, Госпоже́ Всемо́щная.**

Катавасия. **Го́споди помѝлуй** (трижды, с поклонами).

Седа́лен, глас 2. **Се́ чу́до дѣ́вное, я́ко во мразней се́верней странѣ́ израсто́ша прекра́снии цвѣти райсти́и, ве́лии со́ньм му́ченик и испове́дник, ѝже украси́ша вертогра́д Це́ркве Христо́вы, и спаса́ют нас моли́твами сво́ими.**

Слава, и ныне. Богородичен. **Вси́ ве́рнии прибега́ют под кро́в Тво́й от все́х бе́д и напа́стей Богоро́дице, ѝмаши бо дерзнове́ние к Сы́ну Своему́ Христу́ Бо́гу, е́гоже мо́л изба́вити страну́ нашу от**

междоусобныя брани, и от всякаго зла, да вси в мире и любви славят имя Твое пресвятое.

Песнь 4. Ирмос. Услышах слух твой и убоюсь, разумех дела твоя, и дивихся Господи.

Запев. Услышаша Господи соловещии отцы, яко приидоша гонители принудити их отрещися веры правыя, и удивися, и затвориша врата обительския, вопиюще Ти, слава силе Твоей.

Запев. Оружием и убийством ввождяху инославнии яко триперстие, такожде и прочия пагубныя новины, предавая противящихся мукам и смерти, но преподобнии неубояшася их.

Слава. Безбоязненно сретоша святии врагов Креста Христова, внезапно вринувшихся во обитель, во еже искоренити православие, и от них пострадаша.

И ныне. Богородичен. Стамна злата ты еси Пречистая, приемши бо Манны Небесную Христа, дарова миру хлеб животны, егоже причащающесе, жизни вечныя сподобляемсе.

Катавасия. Господи помилуй (трижды, с поклонами).

Песнь 5. Ирмос. Божиим светом Ти Блаже, утреняющих ти душа любовью, просвети молюся, Тя ведети слово Божие, Истиннаго Бога, от мрака греховнаго изимающа.

Запев. Исправляя свое падение в вере, архимандрит Никонор утвержаше братию, не поколебимым пребыти в вере истинней, за ню же и сам пострада даже до смерти.

Запев. Растренныя книги не повинустеся прияти преподобнии, и царь посла вои своя, иже влезше в честную обитель, предаша вас мукам ужасным, в нихже и скончаетеся.

Слава. За ноги привязавше многих святых ко хвостам коньским мучители, влечяху их дондеже предаша душа своя в рuce Божия.

И ныне. Богородичен. **Дщѣрь прѣматери ѣввы, пренепорѣчная, Ты исправила еси тоя падѣние, рѣдъши Христа, истребившаго рукописѣние прародительнаго грѣха.**

Катавасия. **Господи помилуй** (трижды, с поклонами).

Песнь 6. Ирмос. **Житѣйскаго моря воздвизѣема зря, напѣстей бурею, в тихо пристѣнище притѣк вопию ти, возведи от тли живот мой Многомилостиве.**

Запев. **Почтѣм вѣрнии всех святых мученик соловецких, пострадавших за Церковь Божию, яко во обители такожде и вне ея, да молятся о душах наших.**

Запев. **Да прославится с мужественным Никонором Макарии и Хрисанф древорѣзец, и Феодор со Андреем и Димитрием, и вси мученически скончавшеися Царствия ради Небеснаго.**

Слава. **Вси воеводы иже ратовавше на святую обитель, судом Божиим казними быша, со еретическим архимандритом Иосифом, страстотерпцы же водворяются в Райских чертозах.**

И ныне. Богородичен. **Яко на облаце легце прииде Спасе, носим Приснодевою, от неяже плоть безгрешну приял еси, да человеки от грѣха спасеши.**

Катавасия. **Господи помилуй** (трижды, без поклонов). Слава, и ныне.

Кондак, глас 7. **Божественною силою укрепляем, всемошными полк соловецких исповѣдник победы силу вражю терпением лютых мук, ими же уморени бывше святии, достойно ныне ублажаются славою нетленною, мѣже святую память их торжествуем светло.**

Икос. **Неповинустеся святии беззаконному цареву повелению, и иерархом отпадшим, занеже отрещиса им апостольских предани, аще и обстоими бысте воинством; того ради подвергоша вас мукам нестерпимым, и смертем многообразным, Господь же прослави вас пречюдным знамением, непогребени бо лежавше многое время телеса ваша, пребываху нетленни и**

неповреждённи, яко истинных угóдник Бóжиих, тём святую вашу память торжествуем светло.

Песнь 7. Ирмос. Неизречённое чюдо: Ёже в пещи Избáвивыи, преподóбныя óтроки из пламене, во гробе нóве бездúшен полагаётся, на спасёние нам поющым, Избáвителю Бóже благословён еси.

Запев. Неизречённое чюдо совершися, повелёвыи бо царь разорити святую обитель, лютым томим бив недúгом, разумё яко за сие от Бога казнь приёмлет, и вотще послá свободити ю, времени уже тогда скончавшуся.

Запев. Не точию здравыя, но и немощныя истязáше мучитель, и яко не покорися отрещися вёры Христóвы, связá их по двема, и за ноги влачивше, оставиша на леде, на нём же и замерзóша.

Слава. Воевода Мещёринов лют бив без милости, ёже разорити соловéцкую обитель, и избивыи иноки и бельцы, изволением Бóжиим казнь прият от своих си, яко хищник неправедныи.

И ныне. Богородичен. Несть никтоже, ёже согреши якоже аз, но надёся на Твоё всемогúщее предстáтельство Владычице, не отчаяваюся своёго спасёния.

Катавасия. Гóсподи помилуй (трижды, с поклонами).

Песнь 8. Ирмос. Ужаснися боися небо, и да подвизатся основания земли: се убо в мертвецех вменяется Ёже в Вышних Живыи, и во гробе мале обитоваёт, Егóже дёти благословите, священнии пойте, и превозносите Егó во веки.

Запев. Ужаснися и убойся небо, яко избивша святых вящши четырёх сот во обители соловéцтей, мнящися быти правослáвнии, дёлы же еретицы немилостивии.

Запев. Избиеннии от своих единоплеменник святии, молитесь Гóсподеви, да сохранит нас от междоусóбныя брани, и от всякия вражды и свáры, любóвию исполняя вся.

Слава. Вратá áдова ополчѣшася одолѣти Цѣрковь Христóву, но страсотѣрпцы мечѣм вѣры, и сѣлою Крѣстною низложѣша вся ухищрѣния их.

И ныне. Богородичен. Не измѣнься Божествóм Бóг слóво, содѣлася Человѣком по естеству, воплощѣся от Тебѣ Пренепорóчная, да челове́ка содѣлает бóгом по благодáти.

Катавасия. Гóсподи помѣлуй (трижды, с поклонами).

Песнь 9. Ирмос. Стрáнствия Владѣчня, и безсмѣртней трапѣзе, на гóрнем мѣсте, высóкими умѣ вѣрнии приидѣте воспрѣемем, возшѣдша Слóва óт слова наўчшеся, егóже величáем.

Запев (поклон). Препоя́савше чреслá своя ѣстиною, и обóлкшеся во броня́ правды, победѣте протѣвных крóтостию и терпѣнием мýк смертоубѣйственных, тѣмже вáс величáем.

Запев. Исцелѣния обѣльно источáете всѣм призывáющим вáс, с вѣрою и любовію исповѣдницы, сегó рáди вáс прѣсно величáем.

Слава. Умно́жистеся я́ко кѣдри ѣже в Ливáне святѣи мýченцы, вáшими бо учѣнии и пóдвиги возрастóша тмѣ вѣрующих, ѣже любовію вáс величáют.

И ныне. Богородичен. А́нгели, архáнгели и вся сѣлы небѣсныя, славослóвят Твое́ безмýжное Рожествó Богорóдице, Ёмже спаслá еси челове́чество от гóрьяго мучѣтельства áдова.

Катавасия. Гóсподи помѣлуй (трижды, с поклонами).

Отпýст: Гóсподи Исýсе Христѣ Сыне Бóжии, молѣтв рáди Пречѣстия Твоея́ Мáтере, и святѣх преподобномýченик и исповѣдник, ѣже в Соловѣцтей обѣтели за древлецерковное благочѣстие избиѣнных, и всѣх святѣх, помѣлуй и спáси нáс, я́ко Блáг и Человеколóбец. Амѣнь.